



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Svcqvet E Societate Iesv Via Vitæ Æternæ

Sucquet, Antoine

Antverpiae, 1630

Cap. 22. de statu viduitatis

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

CAPVT XXI.

Meditatio de statu Viduitatis.

PRÆLVDIVM I. Considera te coram Domino stare, atque ab eo velut invitari ad statum perfectiorem.

PRÆLVDIVM II. Roga ut eum vocantem audire possis, & dignè vocatione tuâ vivere.

PVNCTVM I. Considera primò, cum unusquisque debeat eligere statum ex voluntate Dei, nihil optatius quàm manifestè eam cognoscere, uti obtingit in viduitate. *Deus ad viduitatis statum trahit. Luc. 19.*

Cósidera secundò, hæc verba: Si quis venit ad me, & non odit patrem suum & matrem, & vxorem, & filios, & fratres, & sorôres, adhuc autem & animam suam, non potest meus esse discipulus; & cogita Deum jam probare fidelitatem tuam, an eum plus omnibus his diligas. Memor itaque esto iudicii conjugis, sic enim erit & tuum; forsitan hodie ei jungeris, quid tum fecisse velles?

Considera tertio, quæ signa habeas præterea vocationis hujus, sunt ea sæpè sterilitas, defectus comparis, quies in statu, & desiderium perfectionis, & attende ad illa Apostoli verba; quæ viro & mulieri applicari queunt: quæ sub viro mulier est, vivente viro alligata est legi, si autem mortuus fuerit vir ejus, soluta est à lege viri, cui vult nubat; beatior autem erit si sic permanferit secundum meum consilium; puto autem quodd & ego spiritum Dei habeam. *Ecclesi 36. Signa huius status. 1. Cor. 7.*

Quid tu verò censes? Id verò de ætate provectioribus maximè accipiendum est, aliis ait idem melius est nubere quàm uri. *Hæcine vera, ut sup. pag. 7. 1. Cor. 7. 1. Timoth. 5.*

PVNCTVM II. Considera primò, cur beatior sit viduitatis status? nempe quia qui in illo sunt, sicut virgines soluti à conjugii servitute, & liberè Deo servire

servire possunt, atque ita ut illæ centesimum, sexagesimum hi referunt. O anima quærens Dominum attende in hoc statu te jam quasi mundi solutam legibus; non est enim cui placere studeas, cui te preciosè ornes; ad convivia, spectacula non accedis in gratiam conjugis. Gaude quisquis es igitur ut Anna Romana, quia jam neque conjugem bonum optas ut illi plus quàm tibi timeas, neque malum quæris ut perpetuò gemas. Denique cùm affectus in plures divisus fuerit, jam licet tibi in unum Deum colligere, eumque toto corde amare: quid utilius? ô quanta felicitas! quanta viduitatis dignitas! quam & Ethnici suspexerunt & laudârunt.

Considera 2. quòd Dominus præcipuè viduarum (idem de viris) & pupillorum curam suscipiat, his tutorem se præbeat & patronum; neque dicere potest is qui iterum nubit se filii subsidium quærere, cùm hoc pacto affectum dividat, discordiæ semen jaciatur; alios quærendo hæredes. Si liberos quidem non habet, quis sterilitatem & orbitatem securam fecit?

Ambros. de viduis.

Judith. 14.

Considera tertio, Exemplum Judith quæ electa ob vidualem castitatem ut liberaret populum, eò quòd ait Scriptura castitatem amaveris, & post virum tuum alterum nescieris. idèd manus Domini confortavit te, & idèd eris benedicta in æternum, ait Spiritus sanctus: idem exemplum tibi viri aptare poteris quisquis es.

Exemplar in hoc statu B. Virgo.

Considera quarto viduarum & viduorum omnium & virginum exemplar Beatam Virginem Mariam: & vide quomodo in viduitate permanserit, summâ cùm sanctimoniâ vixerit, cogita ut sensus suos servârit, opus fecerit, tempus distribuerit, omnes ad pietatem opportunè impulerit exemplo & sanctâ conversatione.

PUNCTVM III. Considera primò, quo pacto, qui in viduitate est, vitam juxta Apostolum instituisse debeat,

beat. primò amorem omnem univèrsam convertere in Deum, familiam gubernare, irreprehensibilem esse, modestum; tempus quod impendere solet ut conjugii placeret, impendere Christo, gaudia mundi evitare; nam quæ in deliciis vivit, vivens mortua est.

Confidera secundò, Annæ viduæ elogium attende, non descendebat ait Evangelista de templo, jejuniis & orationibus serviens Deo, die ac nocte. *1. Tim. 5. Luca 2. Iudith. 3.*

Confidera tertio Judithæ mores, jejunabat omnibus diebus vitæ suæ præter Sabbatham, & Neomeniam, & festa domus Israël, & cilicio induebatur, & fecerat sibi in supremo domus secretum cubiculum, in quo cum puellis clausa morabatur. *Quales mores in hoc statu requirantur.*

Confidera quartò verba Apostoli etiam viris utilia, quæ autem verè vidua est, & desolata, speret in Deum, & instet orationibus & obsecrationibus nocte & die: prohibet autem otiosas esse, circuire domos, verbosas esse. sanè otium maximè vitandum, & consortium periculosum, atque avaritiæ cænum. ab-
sic ait Augustinus de bono viduit. à viduis ut cupiditate capiantur diuitiarum pro cupidine nuptiarum; sæpè namque experti sumus in quibusdam fœminis repressa lascivia, avaritiam excrevisse. *1. Tim. 5. Ibi.*

EXERCITIUM.

DOMINE qui Rex noster es, & Pater misericordiarum, adjuva me solitarium, cujus præter te nullus est auxiliator alius, respice me de excelsis solio gloriæ tuæ: ad te enim levavi oculos meos, tu spes mea unica & præsidium meum, neque enim est quod respiciam ad adiutorium hominum; maledictus enim à te est homo qui confidit in homine, & ecce vocasti conjugem meam, ut toto jam corde convertertar ad te. justus es Domine & rectum iudicium tuum, tua enim erat & gratias tibi magnas debeo quòd aliquamdiu etiam
meam

1 Reg. 1.

Iudith. 14.
Esther 14.

Lucæ 2.

Psalm. 9.
Matth. 5.
Dan. 9.

meam esse volueris; numeraveras dies ejus qui prateriri non poterant, sed & meos scio, dinumerasti, ideoq; & ego exspecto donec veniat immutatio mea, & recorderis mei; expectans expectabo te Domine, & in tempore tribulationis scio, quia non deseres me. Ostende te obsecro in tempore tribulationis mea, & libera me in manu tuâ & adjuva me, nullum aliud auxilium habentem nisi te Domine qui habes omnem scientiam. Tu scis necessitatem meam & propositum meum, quo desidero in hoc statu adherere tibi toto corde; beatum enim me fore dixisti si sic permanserim, ut solùm cogitem quomodo placeam tibi, ut sim sanctus corpore & spiritu; concede obsecro ut solitudo mea consortio tuo dulcescat; da mihi ne videri ab hominibus, amarivelim, aut illorū consortia tadio victus requiram, sed ut oblectet me cum Annâ orationibus & obsecrationibus instare, familiam sanctè gubernare, in secreto cum Iudith tibi vivere, & te amare toto corde, ut non sit qui de me loquatur verbum malum. Semper igitur aliquid boni operis faciam, & providebo te in conspectu meo semper, ut totum occupes cor meum, aperiâ manum meam inopi, & frangam esurienti panem meum, & cor meum fiduciam habebit in te: tibi enim derelictus est pauper, & orphano tu eris adiutor; & beatos pronuntiasti misericordes, quoniam ipsi misericordiam consequentur. Ostende eam mihi, & exaudi orationem servi tui, qui non in justificationibus suis prosternit preces ante faciem tuam, sed in miserationibus tuis multis, attende & fac ne moreris propter temetipsum Deus meus, & unica fiducia mea. Amen.

Praxis seu regula pro Viduo.

1. DE liberatione præmissa, ac generali, si ita videtur, confessione statum, si Domino ita visum, hunc elige, & crebro finem cur ad viduitatis statum vocatus sis à Domino diligenter considera, nempe ut conjugis servitute liberatus, liberè ei servias, & toto corde, & omnem sollicitudinem projicias in eum.

Delicia viduanda.

1. Tim. 5.

2. Penitentiam discretè ama, convivia & delicias quoad potes evita; cùm Apostolus dicat: nam quæ in deliciis vivit vidua, vivens mortua est.

3. Suade

Tertia, Suadet Apostolus viduitatem, & beatiores dicit si sic permanferint. Vide igitur an non expediat tibi initio saltem ad tempus castitatem, v.g. vovere confessarii viri pii & prudentis consilio facilius concupiscentia refrenatur, quæ nullâ expectatione succenditur ut Augustinus ait.

Quarta, quotannis die aliquo solenni, aut in anniversario mortis conjugis tuæ, plurimo affectu, præmissa confessione, & communione atque elemosynis propositum viduitatis renova.

Quinta, Vide ante omnia ut diligenter tempus distribuas, *Otium vi-*
semper aliquid boni operis facito, ut Hieron. loquitur, ut dia- *tandum.*
bolus te inueniat occupatam, & si dives sis, opere tuo pauperes subleua Sanctorum exemplo. Lectionem quotidie piam manè assume, & sine intermissione ora, atque ita opera tua devotione irritiga, ut in domino possis delectari.

Sexta, Sæpè confitere, & communica, & in omnibus dubiis atque molestiis ad V. Sacramentum accede, & a Domino consilium & auxilium expecta.

Septima, Esto erga pauperes liberalis, & si aliud non potes *Lue. 21.*
duo minuta cum viduâ Euangelicâ Domino tribue, & de modica *3. Reg. 17.*
farinâ & oleo, cum Sareptana vidua, primum fac Helix panem parvulum, & consequeris benedictionem à Domino, neque hydria farinæ deficiet, nec lecythus olei minuetur. Neminem si potes mæstum à te dimitte.

Octava, Si liberos habeas, educa in timore Domini; & quotidie illi offer; atque Angelo tuo custodi, ut ipse eos dirigat, illis sese patrem exhibere dignetur. Tuum vero esse scias vigili oculo, peccati occasionem omnem avertere; potiusque cum Regina Blancâ B Ludovici matre, opta eos omnes tibi morte eripi, quàm te genuisse, aut educare quibus Deus offendatur, & Christus Iesus rursus crucifigatur. Cave te contemni permittas, aut indulgentiâ liberos corrumpi: sed autoritatem serua, & exemplo ac verbo ad virtutem adhortare.

JACVLATORIÆ.

Sicut oculi ancilla in manibus domine sue, ita oculi mei ad te Domine Deus noster. Psalm. 122.

Tuus sum ego, saluum me fac, quoniam justificationes tuas exquisivi. Psalm. 118.

Factus est Dominus refugium pauperi, adiutor in opportunitatibus, in tribulatione. Psalm 9.

Yyy

CAPVT